

Kuannersuarniit umiarsualivimmut angallanneq




Ullumikkut Narsarmiut ullormut inuppasuit Narsap Iluanukartarput aliannaarsaariarlutik, pisuttuarlutik, arpallutik, cykelerlutik biilerlutilluunniit. Tassa ulluinnarni qasuersaariarfittut nikilaarfittut, aasami naasortariarfittut, ukiami nuniagiarfittut Narsarmiut atortarpaat.

Kuannersuarni suliniut aallartissappat, Kuannersuarniit umiarsualivimmut ullormut 324-riarluni angallassisoqartassaaq siumut utimullu. Saniatigut sulisunik angallassisoqartartussaavoq. Tassa agguaqatigiisilugu minutsit 4 sinnilaarlugit lastbileqartassaaq. Tassa lastbilerpaluk, lastbilit pujua, qillererpaluk qaartitserpalunnerillu Narsap Iluani kisimik tusarsaalissapput.

Kingunera:

Narsarmiut illoqarfimmi mattussaasutut misigilissapput. Ulluinnarni asialaartarfitsik annaassavaat. Greenland Minerals allakkaluarpoq, Narsarmiut lastbilit akornanniissinnaanerannik ilinniartikkumallugit. Kina lastbilerpassuit sarsuasut akornanni qarsuersaariartussammat?

Aamma eqqaasinnaavarput Narsap illoqarfianiit Narsap Iluata Kuuata tungaanut aqqusineq Narsap Kommuneata akiligarimmagu. Maannakkullu Kommuni Kujalliup isumagisaralugu.


Jan Rehtmar-Petersen
3921 Narsaq